

Pahuetz pahuetz xochitl cueponticac xochitl ixpan ypalnemoani mitznanquili, oyolloaye oy oa oioo aya ohuia ohuaya &.

Ytototzin yehuan Dios cancatietemo huia, quexquich yemocuic inyemonecuiltonol tonteahuiltia yoo yeolinixochitla ohuaya.

No huian nonenemi no huian nontlaotohua nicuicanitl huia, in quetzal izqui-xochitl cayeontzetzelihuetoc xochiithualco ye huapapalo calitec y yao ayahue ohuaya &.

Çan mochompaye huitz xochitl y caca ayahue, tecuecupal xochitl in teyollo mamalacachoa y, tzoyehuan ohuaye, commoyauhthuitze contzetzelotihuitze in xochitlamalin xochipoyon ay ia hue.

Xochinpetlatl o naca yiahue, cencayemochan yeamoxcalitec cuicayehua on-tlatoa yehua xayacamach qui huintia yeiolecacahuaxochitl a yio a huaya.

Yn huelyectli on cuicatl yahuaca yehua coneua yeicuic tlalalteuc eitzin aya, huelahua yxochiuhztzelihui xochitl cacahuaxochitl yio ohuia.

Antocnihuane namechtetemohua cecencuemitl nictoca auh tzonican ancate xompactiaca xontlatlaquetztiacan çanyeon hualacie yna moeniuh namocnihua ohuaya &.

Yncuixitlaxochitl can ni qual calaquia yntzitziquilxochitl moço quilxochitl cuixiuhquin cuixnayohui nitonolinia ynantocnihuan ohuaya ohua.

Aquin nehua ni papatlantinemi ye huaya notlatlalia nioxochincuca cuica papalotl aya, manellelquica manoyolquimatia ohuaya.

Ay topanihuitzo ya, nitemoc in nixopan quechol y, tlalpan nacicotti ninoço-çohua xochihuehuetitla nocuicehuallo tlalpan onquica yo huaya.

O, anqui can none nie xochiopahua cuicatl ytlal nonquiquica ynoçan tlalal-hua noquetzal huicolol teocuitla mecatia nicylpia namoc noic niuh ahua ya ohuaya.

Çan ni xo tlatlapia namocnihtzin huia, xochintlapal yzhuatica no cotzoma no xochintlapi xacaltzin ynie nonpactica yecuecuentla yehuan dios maxonahua-can ohuaya.

Tlaoc cenca xonpacta xochincocozapatzine telcayehuatl teuctli cuix occepa yeton nemiquiuh yniuhquimatimoyol huican centinemico ohuaya ohuaya.

Oya, nihualacie xochinquahuitl ymapan ayahue nioxochihuitzil ni no yacahui-litica ynie nonpactica tzopelic huelic note ohuaya.

Yehuan Dios ypalnemoani yexochitica totlatlauhtilo ya, yetonto pechteca cantimitzonahuiltia xochihuehuetitlan atecpa ecatl teutlia, ohuaya &.

Ompialo huehuetl ompialo yeoncan xopan calitec mitzonchiaye mocnihuan yaomanatzin in mi cohuatzin, ynayoquauhtzin yexochitica oneleicahui inteteuctin ohuaya &.

Hualixtococ hualcocolilo ya, ynatl, intepil y, huexotzinco tzihuaetlan tzaqua-lotoc intlacochahuayotoc in huexotzinco ya ohuaya.

Tetzilacatl ayotl cahuantoc aya amocalin manica huexotzinco ya ynoncan on-tlapia in tecayehuatzin quecehuatl teuctli ontlapitza oncuca çancayeichan ye huexotzinco ya huaya.

Yayapapailili xontlacaquican ye hualtemoya in tota Dios cacaye ichan ocele-cacahuehuetl comontoc aya, intetzilacacuatl onca huantoc yeoncan ohuaya ohuaya.

Achiniuhcaa ayahue, xochitl cançanitli quetzalli ia, quemitl huilatoc ayahue, amoxcalitec yniconpialo tlalo ya, tepetl yniconpialo ynicelteotl a ohuaya & ay yao.

Xochimitletlehuatoc mochalehiuh cancaçal noteocuitla amoxcaçal ancayemo-chan ynicelteotl.

Auhtocnihuane tlaxoconcaquican ynitalotemietli ayahue, xoxopantla techne-mitia inteocuitlaxilol techon ythuitia tlahque chol elotl techoncozcatia inticmati yeohuaya yeontlaneltocato yiolle tocnihuan ohuaya ohuaya.

YC NO CUICATL.



Çanyehuan Dios ynipalnemohua canton nemi ye huaya yemitzon chixtoque in mocnoicnihua yecucaticacon nentlamatoque yexochitica yancan quitemohua melletlaycoltia mitzonayitlanilia moyollio in tleyotl mahuiyotl aya ohua.

Can niqittoa, onon niquilnamiqui yeantlayeihquia ic nopillotl tle yca ce-huiz in noyollo tleyca polihuz in notlayolol ni huexotzincaatl machoc oncayenota, machoc oncayenona ocheon nechixtiez oc nechonyollo cehuiz auhynamoniccentlamitinemiz ayenopillotl ohuaya.

Nonteyhua paquihua a ahuielo nicantocnihuan oncayeinquach ycozqui ahui-nehua ninotolinia antle iconpactaz antleicnahuix te huaz tenahuac yenican ohuaya.

Momalinanteucyotl momalina niciuhyotl intepillotl ayacaocan caompa hua-llaz nocon nequi nocon elehua intlpe. antleic non pactaz antle &.

Titloque tinahuaque timitzahuiltia nican antlemocnopilhuia mo nahuac ypal-nemohua canihuixochitl ypa titech matia canton cuetlahui timocnihuan.

Yncan noihqui quetzalitzli ticxaxamania can noihquintlacuilolli ticpopo-loa ixquiehompayahui çannoyemietla cantocepanpolihuyan.

Tleypan titech mati ycelteotl y huintiyolli y huinyetopolihuan can tonpopoli huitihui timacehualti can nelpatonyazque.

Can yeic nichocayan ynicontlatzihui ypalnemohuani chalchihuitl tlapani

quetzalli poztequia timoqueueloa oantaque antley panti techmati techlatia titechpopolohua nicana.

Ancamoneyocol tiemanayamotzaqual motlaqual ynipalnemoani ayac çanquittoa monahuac yenopillotica tontlatlanilo.

Chalchiuh itz molintoc onquetzalcuepontoc achinmoyollo ypalnemoa ayac çanquittoa nonahuac yenopiltica.

Achin oncan yecantinemi xonahauia y çan cuelachic cohuatihua in can ixquich cahuitl ommahuiztihua yntlaca ayac nelli mocniuh in çan cuelachic on ne tlanehuilo yiectli mo xochiuh cancozlahuic xochitl.

Yxquich in cueponi mopetlapan mocpalypan intepillotl ytla huatl ytec in-teucyotl tlatocayotl yeimalintiac inmoyaoxochiuh can cocahuic xochitl.

Yeantle nelotic ytohuanican ypalnemohua canihqui temietli catoncochitlehua in tiquittoa tlp. ayacnellintiquilhuilya nican.

Tlanel yechalchihuitl tlamatelolli timaco ypalnemoani xochicozcatia tontlatlanilo tonitlanililo achintepillotl inqauhyotl oceloyotl achayac nellintiquilhuia nican.

Yoyahue ypalnemohuani moqueueloa catemietli y tocotoa y tocnih ontlaneltoaca toyollo yenelli moquelo ye hua Dios.

Tlatic no a huacan xopan calitec tlacuilolpan intechnemitia y palnemohuani yequimati yconitoa ynic timiquitimacehualtin ayac ayac ayac, nelontinemi yenican.

Onen nontlacat onen noquiçaco anquiyenican in tlp. ni notolinia in manel nonquiz in manel nontlacat niqittoa tlenaiz onohuaon tepilhuan mateixconinen in que huelximimatia yenoyehuataz yeyantli nolhuil can ninotolinia tonehuaz canoyollo tinocniuh ynayaxcan intlp. yenican.

Quenin nemoa intenahuac machilihuiztinemi antehuit teixco ninemi çanihuian can ycel nelli ycan nonopechteca çanontolotinemi y tena huac.

Macaxicotlamati noyollo macaoctlexicyocoya yenelli yaxca yenopilti hua intlp. yenellincococ ycontinahiliz yn motloc monahuac ypalnemohua.

Çan niqintemohua niqimilnamiqui in tocnihua cuix ocepa huitze y cuixoc nemiquihui cacentipolihui çaçeyenican intlp. macac coco ya yollo ytloc ynahuac ypalnemohua.

Çan yeica nichoca nicnotlamati no nic nocahualoc in tenahuac in tlp. quecon nequi moyollo ypalnemohuani maoc mellel onquiça yenopillol maoc onti malihui monahuac titeotl yehuan Dios antinechmiquitlani.

Aço amo tipactinemi tlp. ancaçantitocnihua ynic hualpaquihua tlp. ancanochihuintitotolinia ancanochihuin teopohui tenahuac yenican.

Çancailhuicatl ytec oncan tiyocoya motlatol canyehua Dios quenin toconnequiz Machtitlatzi huiz yenican tic ynayaz inmoteyo inmomahuico tlp. yenican quenin tocon nequiz.

Ayac huelienih ypalnemohuani antocnihua anquechta amocelotl can nelpatoyaz quantitlacocohua yenica antepilhuan.

Yn maon nentlamati techcocolia intechmictiani ximotlapaloca mochonpatoyazque quenonamican.

Ma mixconinen can ninotolinitinemi y nixpa ypalnemoan yehua Dios çantechoncuilia çantechonyquanilia yni tleyo ymahuiço tlp. yenican oexomocematia namecho cauhtehuaz ynantocnihua ynantepilhua.

Yntlaca ayac huelixpa ynipalnemohua ca yhuian Dios catechon cuilia ca techonyquanilia yntleyo ymahuiço tlp. yenican oexonmocem matican.

Yncaticac ticocohua moyollo huelxitechon it hua xitechoniztlaco y huintinemi nican ixpan ypalnemohua macaic ximiqui macemicac nican xinemi tlp.

Auhynehua niqittoa ecanachica çaniuh quineloxochitlypan titomatico intlp. canton cuetlahuico antocnihua maoc ompolihui yenopillotl maoc amelelquiça yenican.

Tleyntiquazque antocnihua tleycatahuiazque canoniyoli tocuic ca nintlacati tohuehueuh ninentlamatia tlp. can nemia mamalintimaniz ynicnihyotl mamalintimaniz incohuayotl huehuetitlan machoc niqiu çaquih machoc niqehuaquih y cuicatl ahuiçanio nican ynatacayenica canayahuitl çan yaca huilotl ninomanaz matontlaneltocan noyollo cuixnica tochan tlp. çan nitolinican yteopouheca tinemi ca no con cui tiuh can niqitlanitiuh cuixihquixochitl maoccepa niepixoz, cuixtonacayotl ocepa nie tocaz in nota in nona cuixoc xilotiz oncacamatiqiuuh, in tlp. ycanichoca ayac onteca techieno cauque tlp. can yheacynohtli mictlan y temoya caximohuayan, cuixocnelli nemohua quenonamica cuix ontlanelto catoyollo çantopa petlaacalco ontetlatia onte quimiloa y palnemohuani cuixoncan ni qui mitaz ymizco nontlachiaz nonan nota in cuix nechal macazque inenic in tlatol nocontemohua ayac onteca techienocauhque.

Yecoc xochitl man nequimilolo man necuiltonolo antepilhuan huelixtihuitz cuecuyontihuitz çanyoxopa nomaciocatihuitz cempohualxochitl yecoc xochitl tepitech.

Ynçacaxiuhcalitic noncuica maquizcalitic niontlatoa çanicui canitl.

Oexocoyocoyaca xiquilnamiquica quenonamica ompayeicha ayaneli yetoyahui ynompaximoa çantimacehualti ancatoyolia ixpan y eonyaz quiximatiz çan yehua Dios.

Tley anquiyocoya? tleinanquilnamiqui antocnihua macatlexicyocoyaca totech onquica inyectlixochitl çaniuhquiyellel inipalnemohua çamochitic yo coya mochtiquilnamiqui tienotlamatiyenica.

Mochihuintepilhua mochihuinecococ teopouhtica nezcaltilo yehua Dios.

Maxihualatinocniuh tleinticyocoya tleintiquilnamiqui mochipa tlp. çanco nican macaxitlaocoya yenopilotl inyenimati cococycateopouhtica titone mitia nochipan tlp.

Oacico yenican ynielel ytlacol ypalnemoa yeitic on nemia maon nechoquililo in quauhtli ocelotl yenican cantipopolicuizque ayac mocahuaz.

Xicyocoyaca antepilhua ahuxotzinca manelyechalchihuitl manelteocuitlatl noyeompayaz incaninximohua quenonamican ayac mohuaz.

Nichoaca nihualic notlamati yniquilnamiqui chalchihuitl tlaçoxihuitl ynoticlati ynotiquimilo ycelteotl achtleyca cuix intoyollo tleycapoliuiz intotlayocol çaninetlama intlanelmoxochiuh yntlanelyectlin amocuc machoc mocuepaquih in ayoquatzin cuix ocepa nequittaz cuix ocepa nicotzaz in huehuetitlan.

Yeto cuic toxochiuh tic ehua yeuc ycelteotl yonmoquechnahuatiuh ynic niuh-yotl ymatitechmatiuh incohuayotl in nicototehuac intochihuitzin inconitotehuac incoyolchihuiqui çatocochitlehuaco çatontemiquico ahnelli ahnelli tinemico intlpe.

Yoxopan xihuitl y pantochihuaco hualececelia hualitzmolini intoyollo xochitl in tonacayo cequi cueponi oncuetlahuia inconitotehuac yntochihuitzin.

Çanitlatol çaniciehuiz ontlahuiz intocamoquequelo techahahuilohuanica ayac huelo ayac huelonquihuiz ynitlatol ypalnemoani.

Yntel caço huemac intimalo teçoçomoc teuctli tlacatecoltl yeoyauh incuetzpal oçomatlinteuctli tlachquiehuitl çanontemo huehueyotian tlpç. ayac huelo ayac huelo.

Ma huel manintlalli mahuelica tepetl quihualitoa ayoqua çanye huan cuetz-paltzin.

Tlaxcallan huexotzinco inaizquixochitl cacahuaxochitl maonne mahmaco ma huel mani tlalla.

Ni huinti nichoaca nicnotlamati nicmatiniquittoa nic ilnamiqui ma caic nimi-qui macaic nipolihui.

Yncanah micohua in canontepetihua ymaoncan niauh macaicni miqi macaic nipolihui.

An monecuiltlonol amonmoquimiloa antepilhuan quauhtli iztaç inpetlacalcatl mayanquitlatzihuiti chimalli xochitl, ictotonquia ic e tic mochiuhtoc xayaca machan.

Ancaic nopillotl ontitimaliuhfaz quenonamican anca ayaznequi antepilhuan amontlachiaznequi ynompanemohua amacheahua. Çan cayellel ytlacol yixochiuh yeicuc maictonahuiaçan petlacalcatl inquauhtli iztaç quenmantlacahuaz ynicelteotl ynipaltinemi yenican.

Teic no huica teicnocemilhuiltia ynipaltinemi ye hua Dios anqui yeococauh ontemoeniuhua ypetlapan quemnantlacahuaz ynicelteotl inipaltinemi yenican.

Xochinquahuitl onicaç intamoan ychan dios yecha, oncan tiyocoloc tinahuatiloque teuctlatoltica techylacatzon inçanyehuan toteouh ynipaltinemi.

Yhui yntecuitlatl in nicpitza nicchalchiuhque yectli tocuc yhuinteoxihuitl icninappa, tech ilacatzohua nappatamo, tamo aychan yehuan Dios ypalnemohuanic xonahuiaç nican xopanian xopan calitic.

Yemo necuiltlonol moteicnelil huelon nemohua ypalnemohuani tlapçque. timohuihuixoa ytimotzetzeloa nican moqui nochan moquinocal ymancan que mon intlpe. yinic yene mohua mopetlapan momahuiçocan ayac çanquittoa monahuac-ton teicnoytta tontemopepenia.

Ycan monoma intehuatl tonteic noytta mochiel ymanca mocalyman ca canmitzontlapiçlia y palnemoani xiuhztzin incoyolchihuiqui xihuitl popoca moquihuitzin ayac çanquittoa monahuac tonte ye noitta.

Cuicatl ayolque xochitl ancueponçque antepilhuan niçacatimaltzin intochi huitzin ompaye huitze xochimecatl.

Çayecolinia y huehuch yayacach ypalnemohuani amoxicuiliuhçoc an mocuc anquiçoçoa ahuehuetitlan motenehuatzin moquauhtzetzeloa xochiyaoyotica cona huilitia y cel teotl.

#### NICAN OMPEHUA HUEHUE CUICATL YN NEPAPAQUILIZ

*cuic tlatoque Titico titico titico.*

Yehuan tlatcatl obisponcuica oztocalitic mimilintoc in teponazxochi huehuetl comonticac.

Quenon mach in quehua cantiquittaz tietemoa xochimecatica qui hui huicon yeixnepaniuhayaticac yeuc ye an mococol moteuççoma.

Xochi it huallin niepoxahuac on namocohecol xochi yt huallin niepoxahuaco namocohecol xiuhchiquacoltica ye nitlacçatihuitz tzonco cahuilti.

Acanacohtica xochicozcatica nictzetzeloantlahuilli xochitl nictzetzeloa tlahuilli xochitl xiuhchiquacoltica yenitlacçatihuitz.

At tiqualani in nipaticac at tiqualani in nechcapaticac tlacuel tlaxictotoma xochimacaticac nauhcampa cacenca huelxixitto monilpitica noyollo noyollo que nanquichihuazque.

*Toco toco toti.*

Aquin tlatcatl oyeococ oztocalitic xochitl tzetzelihuhtoc tlaçoyehuatl intlatoani yayaticacapil tlanitz ayochicahuaz cacalacatinemi çan caomicuiltotopochpil yeuitlapan tetzelilaca cuica Dios ychan tzontli ymapil canahuacan qua tlatlalhuazo ttehuilacachpil mamaçohua moteuc comapil.

Annocalihuan antlacuel xompehuacan tlacuel xoncuicacan moconca quiz yeucayo moteuççomapil yxonehnecuil xoquechtlan tziçquauh caxpil tzinte ponpil canihquitapiz miqi xillancapitz yolloylacatz omicuiltteui cuilpil y yacachiqua colchitolpil a han nellin iuhçoncat capil ahanellin iuhçocatecapil.